



Comunu de Bauladu
Comune di Bauladu

VERBALE DE DELIBERATZIONE DE SU CUSSIGIU COMUNALE

NÙMERU 43 DE SU 12/12/2019

OGETU:	PIANU FINANTZIÀRIU PRO S'APLICATZIONE DE S'IMPOSTA PRO S'ÀLIGA (TARI). APROVATZIONE.
---------------	---

S'annu duamìgiadeghennoe, in die dòighi, de su mese de nadale, a is 2 de merie in sa Domo Comunale de Bauladu, cramadu dae su Sìndigu cun lìteras iscritas cunsignadas a norma de lege, si est reunidu in sessione istraordinària e pùblica, de prima cunvocatzione, su Cussigiu Comunale in is persones de is Sennores:

Davide Corriga	P	Giovanni Battista Pes	P
Chiara Palmas	P	Anna Maria Pintus	P
Marta Dessì	P	Anna Matzutzi	P
Elia Zucca	P	Rita Soru	P
Carmine Consolo	P	Martina Atza	P

Cussigeris chi pigant parte: nr. 10

Cussigeris ausentes: nr. 0

Partètzipat a sa reunione sa Segretària, Dott.ssa Donatella Mancosu.

Su Sìndigu Dott. Davide Corriga assumet sa presidèntzia e constatadu su nùmeru legale de is intervènnidos pro pòdere in manera vàlida deliberare, deccrarat aberta sa reunione.

SU CUSSIGIÙ COMUNALE

Fatu riferimentu a s'art. 1, comma 639 de sa L. n. 147/2013 e s.m.i. chi istituit s'imposta unica comunale a fàghere data dae su 1 ghennàrgiu 2014, regulende s'imposta pro s'àliga TARI cale cumponente de s'imposta unica comunale I.U.C., destinada a finantziare is custos de su servìtziu de regorta e eliminatzione de s'àliga, cun soppressione cuntestuale de sa TARES;

Cunsideradu chi:

1. in virtude de is disponimentos mentovados, cun decurrèntzia dae su 31/12/2013, at sessadu de tènnere aplicatzione in su Comunu de Bauladu su tributu TARES, mantenende is obligatziones bènnidas in antis de data antedita;
2. cun deliberatzione de su Cussìgiu Comunale n. 7 de su 05.09.2014 est istadu aprovalu su Regulamentu comunale chi disciplinat is cumponentes de s'I.U.C. diferentes tra is chi su cumponente TARI;
3. su tributu TARI est istituìdu pro sa cobertura integrale de is interventos relativos a su servìtziu de gestione de is refudos urbanos e assimilados, chi regollint totus is custos relativos a investimenti pro òperas e ammortamentos relativos, e puru de totus is custos de esertzìtziu de su servìtziu de gestione de s'àliga, apo inclùdidu is custos de s'eliminatzione de s'àliga in is muntonàrgios e is custos pro su servìtziu de mundadura e isciacu de is caminos pùblicos;
4. is custos relativos a su servìtziu de gestione de s'àliga urbana e assimilada benint individuados faghende riferimentu a is critèrios definidos dae su D.P.R. 27/04/1999, n.158 e definidos cada annu in sa base de su Pranu finantziàriu de is interventos chi nde determinat is custos operativos de gestione (CG) e is custos comunos (CC) prus is custos de impreu de su capitale (CK);
5. sa metodologia mentovada de cuantificazione de is custos e de determinu de is tarifa s'articulat in prus in is fases fundamentales de classificatzione e sebestu de su cumplessu unitàriu de is custos dirìgidos e indiretos chi pertocant a sa gestione de su servìtziu, e puru de partzidura de is custos intre firmos e variàbiles;
6. s'art. 1, comma 654 de sa L. n. 147/2013 previdet s'òbligù de assicurare sa cobertura integrale de is custos de investimentu e de esertzìtziu chi resurtat de su pranu finantziàriu, cun impossibilitade cunsighente pro su Comunu de cobèrrere una pertzentuale de su costu cun àteras intradas;

7. s'art. 1, comma 683 de sa L. n. 147/2013 e s.m.i. previdet chi su Cussìgiu Comunale aprovet, intro su tèrmine fissadu pro s'aprovatzione de su bilantzu de previsione, is tarifas de sa TARI in cunformidade a su pranu finantziàriu de su servìtziu de gestione de s'àliga urbana, redatadu dae su sugetu chi acumprit su servìtziu etotu e aprovalu dae su Cussìgiu comunale;

Cunsideradu chi sa titularidade de su servìtziu de gestione àliga urbana de custu comunu, in manera unida a cussos de is comunos de Bonàrcadu, Cùglieri, Milis, Nurachi, Santulussurgiu, Sèneghe, Tramatzu e Tzeddiani, est istada trasferida a s'Unione de is Comunos Montiferru e Campidanu Artu;

Pigadu àutu chi cun pròpia deliberatzione n. 9 de su 01.04.2019 su Cussìgiu Comunale, in fatu de sa concrusione pro parte de s'unione de is comunos Montiferru e Campidanu Artu de s'iter burocràticu pro giùnghere a su pranu finantziàriu nou definitivu RSU vàlidu a decùrrere dae su 01.03.2019 e finas a su 31.12.2023 in riferimentu a s'apaltu nou de gestione de su servìtziu, at aprovalu su pranu finantziàriu nou pro s'aplicatzione de sa tassa pro s'àliga (tari) 2019;

Cunsideradu chi sa rideterminatzione de su Pranu Finantziàriu, e in manera cunsighente de is tarifas de su Tributu Comunale pro s'Àliga (TARI) annu 2019, respetu a cantu giai deliberadu in ausèntzia de s'achirimentu de su pranu finantziàriu nou definitivu relativu a sa gestione de su servìtziu RSU pro s'annu 2019 cun àutos de su Cussìgiu Comunale nùmeros 37 e 38 de su 27 de nadale 2018, est acontèssida in cunsideru de su fatu chi pro custu ente is custos atribuidos, respetu a cussos de su partzu pretzedente fatu tra is comunos de s'Unione Montiferru e Campidanu Artu aderentes a su servìtziu, batiat a una riduzione de issas etotu;

Cunsideradu chi s'amministratzione comunale tenet a s'istadu attuale sa netzessidade de giùghere dae in antis su pròpiu progetu de bilantzu in ausèntzia de s'achirimentu pro parte de su sugetu gestore de su pranu finantziàriu nou definitivu relativu a sa gestione de su servìtziu RSU pro s'annu 2020;

Retentu de dèpere impreare comente a riferimentu pro su pranu finantziàriu nou TARI 2020 is custos aprovalos pro su perìodu 01.03.2019-31.12.2019, de ribatire a annu intreu, e de chi a sa deliberatzione de su Cussìgiu Comunale n. 9 de su 01.04.2019, e custu in isetu de achirire is datos noos ufiziales relativos a is custos de gestione de su servìtziu RSU 2020-2022 chi ant a dèpere, francu

pròrogas, tènnere contu fintzas de su mètodu de tarifas nou de su servitziu integradu de s'Àliga prevididu dae Arera (Autoridades de regolazione pro energia, retzas e ambiente);

Achiridos in manera preliminaris is pàrteres in favore de sa regularidade tècnica e contàbile de sa proposta de delibera, espressados dae su Responsàbile de s'Ufìtziu Amministrativu e de sa Responsàbile de s'Ufìtziu Finantziàriu pro s'art. 49, comma 1 de su D.Lgs. 267/2000 e cambiamentos e integrazziones imbenientes;

DELÌBERAT

De pigare àutu de is cuntenutos de sa premissa.

De aprovare su Pianu Finantziàriu de s'Imposta Comunale pro s'Àliga (TARI) de chi a s'allegadu A de s'àutu presente e cunfermativu, in manera relativa a is custos definidos pro su periodu 01.03.2019-31.12.2019 de ribatire a annu intreu, de cuddu aprovadu cun sa deliberatzione de su Cussìgiu Comunale n. 9 de su 01 .04.2019.

De deccrarare s'àutu esecutàbile deretu, bidu s'apretu de aprovare su Bilantzu, pro efetos de s'artìculu 134, comma 4, de su decretu legislativu n°267 de su 18.08.2000 e mudas e integrazziones imbenientes.

Parre a subra de sa proposta: in òrdine a sa regularidade tècnica pro s'art. 49, comma primu, de su Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Francesca Ara

Parre a subra de sa proposta: in òrdine a sa regularidade contàbile pro s'art. 49, comma primu, Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Francesca Ara

Su verbale benit sutascritu gasi

Su Sìndigu
F.du Dott. Davide Corrìga

Sa Segretària Comunale
F.du Dott.ssa Donatella Mancosu

ATESTADU DE PUBLICATZIONE

S'atestat chi còpia de sa deliberatzione est publicada in su situ istituzionale de su Comunu, atzessibile a su pùblicu, pro s'art. 32, comma 1, de sa Lege 69 de su 18/06/2009, partinde dae su 19/08/2019, pro abarrare bìndighi dies consecutivas, e in manera cuntestuale comunicada a is Grupos Consiliares.

Su 13/12/2019

Sa Segretària Comunale
F.du Dott.ssa Donatella Mancosu

Còpia cunforme a s'originale pro impreu amministrativu

Su 13/12/2019

Su Missu Notificatore
F.du Dott. Paolo Carta